

ТАРАҚИЁТ МЕЗОНЛАРИ

ЯНГИ МАЪНАВИЙ МАКОН УНИНГ ИЖТИМОЙ ҚИЁФАСИГА АЙРИМ ЧИЗГИЛАР

(Биринчи мақола)

Хар қандай жамиятни ҳаракатга келтирувчи, ўз олдига қўйган мақсад-муддаони амалга оширишга ундайдиган, фуқароларни ижтимоий сафарбарликка йўналтирувчи, олданда мавжуд ва тасаввур этилган, қийин, аммо бажарилиши шарт бўлган муаммоларни ҳал этишга рағбат берувчи кўплаб омиллар бор. Улар орасида, фикримизча, эзгу ният, мустаҳкам эътиқод, соғлом тафаккур, хар қандай вазиятда ҳам ўз принципларидан чекинмаслик, кучли ирода каби фазилатлар алоҳида ўрин эгаллайди.

Аммо бундай сифатларга эга бўлиш осон эмас. Чунки бунинг учун инсон ўзини қийнаши, ўз "мен"ини топиш йўлида тинмай излаши, билим олиши, муносиб шахс бўлишни ўзининг ҳаётий масъулиятига айлантириши керак. Бугун ҳаёт ҳаддан ташқари тезлашиб кетган, одамларда осон йўллар билан фаровон турмуш даражасига етиш ниятлари урчиб бораётган, айни вақтда турли ички ва ташқи таҳдидлар тобора зўраяётган бир пайтда юқорида санаб ўтилган даражага эришининг ўзи бўлмайдми.

▶ Давоми 3-бетда



ЎЗБЕКИСТОНДА АМАЛГА ОШИРИЛАЁТГАН МАЪМУРИЙ ИСЛОҲОТЛАР

ХАЛҚ ФАРОВОНЛИГИ ВА ИҚТИСОДИЁТНИ ЯНАДА ЮКСАЛТИРИШГА ХИЗМАТ ҚИЛАДИ

Мамлакатимизда ихчам ва самарали давлат бошқарувига ўтиш йўлида бошланган кенг қамровли маъмурий ислохотлар хорижда ҳам ақсодосини берапти.

Зоҳири ИДРИС, Малайзия сиёсий ва иқтисодий тадқиқотлар маркази ижрочи директори:

— "Ўзбекистон Республикаси Президентининг 2022 йил 21 декабрда эълон қилинган "Янги Ўзбекистон маъмурий ислохотларини амалга ошириш чора-тадбирлари тўғрисида"ги фармони жуда долзарб ва катта аҳамиятга эга бўлган ҳужжат ҳисобланади.

Сўнгги йилларда Ўзбекистонда самарали фаолият кўрсатадиган бошқарув тизимини шакллантириш бўйича кенг кўламли маъмурий ислохотлар амалга оширилди. Зеро, хар қандай ҳуқуқий давлатнинг фаровонлиги давлат бошқарувининг халқчиллигига боғлиқ. Шу маънода, давлат бошқаруви тизими ихчам, профессионал, адолатли, юқори натижадор бўлишини таъминлаш ҳамisha давлатнинг талаби бўлиб келган.

Президент Шавкат Мирзиёев томонидан тақлиф этилган ихчам ва самарали давлат бошқарув тизимини жорий этиш, "қўл бошқаруви"дан аниқ натижа учун ишлайдиган тизимли бошқарувага ўтиш бюрократик тўсиқларни қисқартириш, аҳолига давлат хизматларини кўрсатиш тизимини яхшилаш, умуман олганда, инсон манфаатлари йўлида хизмат қилажанига аминимиз.

Бунга рақамлаштиришнинг давлат бошқаруви тизимида муҳим роль ўйнашига имкон бериш орқалигина эришиш мумкин. Биз туртинчи санат инқилоби "Индустрия 4.0"га ўтаётганимиз сабабли давлат бошқаруви ҳам сўнгги тенденцияга — рақамлаштиришдан фойдаланишга мос бўлиши керак.

▶ Давоми 2-бетда

БУГУННИНГ ГАПИ

МУАММО ЕЧИМИ — ҚАЙТА ТИКЛАНУВЧИ ЭНЕРГИЯ



Тажриба учун қуёш панеллари

Очиқ айтиш керак, мамлакатимизда энергетика соҳасида муаммолар мавжуд ва уни қисқа муддатда ҳал этишнинг имкони йўқ. Президентимиз ҳам Олий Мажлис ва Ўзбекистон халқига Мурожаатномасида бу масалага алоҳида тўхталиб ўтди. Бугун Қорақалпоғистонда ушбу долзарб масалага ечим топиш, энергия самарадорлигига эришиш ва қайта тикланувчи энергия манбаларини ривожлантириш бўйича тизимли ишлар олиб борилмоқда. Кейинги йилларда ҳудуддаги кўплаб объектлар қайта тикланувчи энергия ускуналари билан жиҳозланди.

▶ Давоми 4-бетда

БУЮК ЎЗБЕК ЙЎЛИ

ИНСОНГА ЭЪТИБОР, СИФАТЛИ ТАЪЛИМ — УЧИНЧИ РЕНЕССАНС ПЙДЕВОРИ



Юртимизнинг хар бир гўшасида, хоҳ давлат корхонаси бўлсин, хоҳ маҳалла гузари, чойхона, бозор, кўча-кўйда Президентимизнинг Мурожаатномасида билдирилган фикрлар, тақлифлар, қўйилган вазифалар, устувор йўналишлар муҳокама қилинмоқда. Бу йилги Мурожаатнома ҳам Ўзбекистоннинг ташқи ва ички сиёсати параметрларини белгилайдиган, сиёсий, ижтимоий, иқтисодий ва гуманитар соҳаларда амалга оширилиши лозим бўлган вазифалар дастуриламали бўлди.

▶ Давоми 5-бетда

2023 ЙИЛ — ИНСОНГА ЭЪТИБОР ВА СИФАТЛИ ТАЪЛИМ ЙИЛИ

ЗАМОНАВИЙ ИЛМ-ФАН РИВОЖИГА МУСТАҲКАМ АСОС



Бугун Янги Ўзбекистон шароитида ҳаётнинг барча соҳалари чуқур ислохотлар майдонига айланган. Бу жараёнда ижтимоий соҳанинг асоси ҳисобланган таълим тизимидаги ўзгаришлар ҳақида сўзлашганимиз иложи йўқ.

Илм-фан тараққиётининг хар қандай ютуғи инсоният мушқулини осон қилишга, унинг муаммоларини қисман бўлса-да, ҳал этишга хизмат қилиши керак. Мамлакатимизда олиб борилаётган ислохотлар натижаси ўлароқ, сўнгги йилларда таълим тизимини замонавий талаблар асосида ташкил этиш бўйича амалий ишлар ҳал қилувчи босқичга кирди. Тарихий жиҳатдан Буюк ипак йўлининг ўзагида жойлашган мамлакатимиз хар

соҳада, жумладан, таълим, фан, маданият, санъат ва сиёсат марказида эканини кўришимиз мумкин. Халқимизнинг бой илмий-маданий мероси, бебаҳо меъморий обидалар, тошга муҳрланган қадимий ёзувлар, турли осори атиқалар, нодир қўлёзмалар юртимизнинг кўҳна тарихидан сўзлайди.

▶ Давоми 2-бетда

БОҒДОРЧИЛИК

ЁНҒОҚ, ПИСТА ВА БОДОМЛАРИМИЗ ДУНЁ БОЗОРИНИ ЭГАЛЛАЙДИ

Абу Али ибн Синонинг "Тиб қонунлари" асарига ёзилишича, ёнғоқ инсон саломатлиги учун қони фойда, айниқса, организм учун зарур Е витаминига бой, мия фаолияти тўқималари озуқавий микдорларини тартибловчи воситадир. Унинг таркибида С, В1, В2, РР витаминлари, каротин, хинонлар ва эфир мойи, темир ва кобальт тузлари ҳамда рух моддаси мавжуд.



▶ Давоми 4-бетда

